

# Y Llwynog gan R Williams Parry

- 1. Ydych chi erioed wedi penderfynu gwneud rhywbeth neu fynd i rywle ar y funud olaf?
- 2. Ydych chi erioed wedi penderfynu gwneud y gwrthwyneb i'r hyn roeddech chi i fod i'w wneud?
- 3. Wnaethoch chi weld neu brofi rhywbeth annisgwyl wrth wneud hyn?

- 4. Pa eiriau newydd sydd yn y gerdd?

Gair newydd	Beth rwy'n credu mae'r gair yn ei olygu	Ystyr y gair

# Dod o hyd i'r cliwiau a darllen rhwng y llinellau!

5. Weithiau, rhaid bod yn dditectif wrth ddarllen darn o farddoniaeth am nad yw'r bardd yn dweud popeth wrthym ni.

Gan ddefnyddio'r cliwiau yn y gerdd, llenwch y tabl gan ateb y cwestiwn a nodi'r dyfyniad sy'n cynnig y cliw:

Cwestiwn	Ateb	Dyfyniad i gefnogi
Pa ddiwrnod ydy hi?		
Pa adeg o'r flwyddyn ydy hi?		
Faint o bobl a oedd yn mynd am dro?		
A oedd ofn y bobl ar y llwynog?		
Am faint o amser roedd y llwynog o flaen y bobl?		

6 Pa wybodaeth arall gallwch chi ei chasglu o'r gerdd?

# Lliwch y technegau arddull y gallwch chi ddod o hyd iddynt yn y gerdd.

Cofiwch greu allwedd.

## Y Llwynog

Ganllath o gopa'r mynydd, pan oedd clych  
Eglwysi'r llethrau'n gwahodd tua'r llan,  
Ac anhreuliedig haul Gorffennaf gwych  
Yn gwahodd tua'r mynydd, - yn y fan,  
Ar ddiarwybod droed a distaw duth,  
Llwybreiddiodd ei ryfeddod prin o'n blaen;  
Ninnau heb ysgog a heb ynom chwyth  
Barlswyd ennyd; megis trindod faen  
Y safem, pan ar ganol diofal gam  
Syfrdan y safodd yntau, ac uwchlaw  
Ei untroed oediog dwy sefydlog fflam  
Ei lygaid arnom. Yna heb frys na braw  
Llithrodd ei flewyn cringoch dros y grib;  
Digwyddodd, darfu, megis seren wib.

Yr Haf a Cherddi Eraill, Gwasg Gee, 1924

[illegible]